

Postea rem aspergat Aqua benedicta,  
et ubi notatum fuerit, pariter incenset,  
nil dicendo.

Cum Sacerdos aliquid benedicturus  
est, habeat ministrum cum vase Aqua  
benedictæ et Aspergillo, et cum hoc vel  
alio Rituali libro, seu Missali.

Caveat, ne benedictionis causa ponat  
aliquid indecens super Altare, veluti  
esculenta; sed quod ejusmodi est, pona-  
tur super mensam, commodo loco pa-  
ratam.

### Ordo ad faciendam aquam bene- dictam.

#### Exorcismus salis.

¶. Adjutorium nostrum in nomine  
Domini. R. Qui fecit cœlum et terram.

Exorcizo te, creatura salis, per De-  
um ✕ vivum, per Deum ✕ verum,  
per Deum ✕ sanctum, per Deum qui  
te per Elisaeum prophétam in aquam  
mitti jussit, ut sanaréetur sterilitas  
aqua: ut efficiáris sal exorcizatum  
in salutem credéntium; et sis ómni-  
bus suméntibus te sánitas animæ et  
córporis: et effúgiat, atque discédat

### Pars IV.

## Benedictiones selectæ.

### Regulæ generales.

Noverit Sacerdos, quarum rerum be-  
nedictiones ad ipsum, et quæ ad Epi-  
scopum suo jure pertineant, ne majoris  
dignitatis munera temere, aut imperite  
unquam usurpet propria auctoritate.

In omni benedictione extra Missam,  
Sacerdos saltem superpeliceo, et stola  
pro ratione temporis utatur, nisi aliter  
in Missali aut Rituali notetur.

Stando semper benedicat, et detecto  
capite.

In principio cuiusque benedictionis  
dicat:

¶. Adjutorium nostrum in nomine  
Domini. R. Qui fecit cœlum et terram.

¶. Dominus vobiscum. R. Et cum  
spiritu tuo.

Deinde dicatur Oratio propria, una,  
vel plures, prout suo loco notatum  
fuerit.

a loco, in quo aspérsum fúeris, omnis phantasia et nequitia, vel versútia diabólicæ fraudis, omnisque spíritus immundus, per eum, qui ventúrus est judicáre vivos et mórtuos, et sǽculum per ignem. R. Amen.

Orémus.

**I**mménsam cleméntiam tuam, omnípotens æterne Deus, humiliiter implorámus: ut hanc creatúram salis quam in usum géneris humáni tribuísti, bene ✕ dícere, et sancti ✕ ficáre tua pietáte dignéris: ut sit ómnibus suméntibus salus mentis et córporis: et, quidquid ex eo tactum, vel respérsum fúerit, cáreat omni immunditia, omnique impugnatióne spirituális nequitiæ. Per Dóminum nostrum Jesum Christum Filium tuum, etc. R. Amen.

*Exorcismus aquæ.*

**E**xorcizo te creatúra aquæ, in nómine Dei ✕ Patris omnipoténtis, in nómine Jesu ✕ Christi, Filii ejus, Dómini nostri, et in virtute Spíritus ✕ Sancti: ut fias aqua exorcizáta ad effugándam omnem potestatétem inimici, et ipsum inimicum eradicáre, et explantáre váleas cum ángelis suis

apostáticis: per virtutem ejúsdem Dómini nostri Jesu Christi, qui ventúrus est judicáre vivos et mórtuos, et sǽculum per ignem. R. Amen.

Orémus.

**D**eus, qui ad salútē humáni géneris máxima quæque sacraménta in aquárum substántia condidisti: adésto propitius invocatióibus nostris et eleménto huic, multimodis purificationibus præparáto, virtutem tuæ bene + dictiōnis infúnde; ut creatúra tua, mystériis tuis sérviens, ad abigéndos dæmones, morbósque pelléndos divinæ gratiæ sumat efféctum: ut, quidquid in dómibus, vel in locis fidélium hæc unda respérserit, cáreat omni immunditia, libéreret a noxa: non illic résidéat spíritus pestilens, non aura corrúpens: discéndant omnes insidiæ laténtis inimici: et si quid est, quod aut incolumenti habitántium invidet, aut quiéti, aspersióne hujus aquæ effúgiat, ut salubritas per invocatiómem sancti tui nóminis expetita, ab ómnibus sit impugnatióibus défensa: Per Dóminum nostrum. R. Amen.

*Hic ter mittatur sal in aquam in modum crucis dicendo semel: Commix-*

tio salis et aquæ páriter fiat in nōmine Pa<sup>+</sup> tris, et Fi<sup>+</sup> lii, et Spíritus <sup>+</sup> Sancti. R<sup>g</sup>. Amen.

V. Dóminus vobíscum. R<sup>g</sup>. Et cum spíritu tuo.

Orémus.

Déus, invícta virtútis auctor et in-superábilis impérii rex, ac sem-per magníficus triumphátor, qui ad-vérsæ dominatiónis vires réprimis: qui inimíci rugiéntis sævitiam supe-ras; qui hostiles nequítias poténter expúgnas: te, Dómine, treméntes et suásplices deprecámur, ac pétimus, ut hanc creatúram salis et aque dignánter aspicias, benignus illústres, pietatis tuæ rore sanctifices, ut, ubi-cumque fúerit aspérsa, per invoca-tiōnem sancti nóminis tui omnis infestatio immundi spíritus abigátur, terrórque venenosi serpéntis procul pellátur, et præsentia Sancti Spíritus nobis misericórdiam tuam poscéntibus ubique adéssse dignétur. Per Dómi-num nostrum Iesum Christum Fi-lium tuum: Qui tecum vivit.

R<sup>g</sup>. Amen.



### Benedictio imaginis vel numismatis.

V. Adjutórium nostrum in nómine Dómini. R<sup>g</sup>. Qui fecit cœlum et terram.

V. Dóminus vobíscum. R<sup>g</sup>. Et cum spíritu tuo.

Orémus.

Omnípotens, sempitérne Deus, qui sanctórum tuórum imágines (*sive effigies*) sculpi aut pingi non réprobas, ut quóties illas óculis córporis intuémur, tóties eórum actus et sanctitátem ad imitándum memoriæ ócu-lis meditémur: hanc, quæsumus, imá-ginem (*seu sculptúram*) in honórem et memoriā unigéniti Filii tui Dó-mini nostri Iesu Christi (*vel beatissimæ Virginis Mariæ, matris Dómini nostri Iesu Christi, vel beati N. Apóstoli tui, vel Mártiris, vel Confessóris, aut Pontificis, aut Virginis*) adaptátam bene <sup>+</sup> dicere, et sancti <sup>+</sup> ficáre dignérис: et præsta, ut quicúmque coram illa unigénitu Filium tuum (*vel beatissimam Virginem, vel glo-riósum Apóstolum, sive Mártirem, sive Confessórem, aut Virginem*) sup-pliciter cólere et honoráre studuérit,

illius méritis et obténtu, a te grátiam in præsénti et ætéram glóriam obtíneat in futúrum. Per Christum Dóminum nostrum. R. Amen.

*Deinde aspergit aqua benedicta.*

### Benedictio novæ crucis.

¶. Adjutórium nostrum in nómine Dómini. R. Qui fecit cœlum et terram.

¶. Dómine exaudi oratióne meam. R. Et clamor meus ad te véniat.

¶. Dóminus vobiscum. R. Et cum spíitu tuo.

*Si fuerint plures, mutetur numerus.*

Orémus.

Rogámus te, Dómine sancte, Pater Omnipotens, ætére Deus, ut dignérис bene ✕ dicere hoc signum crucis tuæ, ut sit remédium salutare géneri humáno, sit soliditas fidei, profectus bonórum óperum, redemptio animárum, sit solámen, et protéctio, ac tutéla contra sæva jacula inimicórum. Per Christum Dóminum nostrum. R. Amen.

*Deinde aspergit aqua benedicta.*

### Alia Oratio ad idem.

Orémus.

Béne ✕ dic, Dómine Jesu Christe, hanc crucem tuam, per quam eripiústi mundum a potestáte dæmonum et superásti passióne tua suggestórem peccáti, qui gaudébat in prævaricatióne primi hóminis per ligni vétiti sumptiōnem. (*Hic aspergit aqua benedicta.*) Sanctificétur hoc signum crucis in nómine Patris ✕, et Filii ✕, et Spíritus ✕ Sancti, ut orántes inclinantesque se propter Dóminum ante istam crucem invéniant corporis et ánimæ sanitátem. Per Christum Dóminum nostrum.

R. Amen.

*Postea Sacerdos genuflexus ante crucem devote adorat et osculatur, et idem faciunt quicumque voluerint.*

### Benedictio candelarum

extra diem Purificationis B. Marie V.

¶. Adjutórium nostrum in nómine Dómini. R. Qui fecit cœlum et terram.

¶. Dóminus vobiscum. R. Et cum spíitu tuo.

Orémus.

Dómine Iesu Christe, Fili Dei vivi,  
béné ✠ die candélas istas sup-  
plicationibus nostris: infúnde eis,  
Dómine, per virtútem sanctæ cru. ✠  
cis, benedictiōnem cœlēstem, qui eas  
ad repelléndas ténebras humáno gé-  
neri tribuistī; talémque benedictiō-  
nem signáculo sanctæ cru ✠ cis ac-  
cipient, ut quibuscumque locis accén-  
sæ sive pósitæ fúerint, discéendant  
príncipes tenebrárum et contremi-  
scant, et fúgiant pávidi cum ómnibus  
ministris suis ab habitatiōnibus illis,  
nec præsumant ámplius inquietáre  
aut molestáre serviéntes tibi omni-  
poténti Deo, qui vivis et regnas in  
sæcula sæculórum. R. Amen.

*Postea aspergantur aqua benedicta.*

### Benedictio domorum

in Sabbato Sancto Paschæ.

*Parochus, ingrediens domum, dicit:*  
Pax huic dómui, et ómnibus habi-  
tántibus in ea.

*Deinde aspergens loca præcipua do-*  
*mus, et eos qui habitant in ea, dicit*

*Antiph.* Vidi aquam egredientem  
de templo a látere dextro, alleluja:

et omnes, ad quos pervénit aqua  
ista, salvi facti sunt, et dicent: alle-  
luja, alleluja.

*Psalmus.* Confitémini Dómino, quón-  
iam bonus: quóniam in sǽculum  
misericórdia ejus.

¶. Glória Patri, etc.

*Repetitur Antiph.* Vidi aquam, etc.  
Deinde dicit:

¶. Osténde nobis, Dómine, miseri-  
córdiam tuam, alleluja. R. Et salu-  
táre tuum da nobis, alleluja.

¶. Dómine, exaudi oratiōnem me-  
am. R. Et clamor meus ad te véniat.

¶. Dóminus vobiscum. R. Et cum  
spiritu tuo.

Orémus.

Exaudi nos, Dómine sancte, Pater  
omnipotens, æterne Deus: et sic-  
ut domos Hebræórum in éxitu de  
Ægypto, agni sanguine linítas (quod  
pascha nostrum, in quo immolátus est  
Christus, figurabat), ab Angelo per-  
cutiénte custodisti; ita mittere dignérис  
sanctum Angelum tuum de cœlis, qui  
custodiāt, fóveat, prótegat, visitet, at-  
que défendat omnes habitantes in hoc  
habitáculo. Per eúmdem Christum  
Dóminum nostrum. R. Amen.

**Benedictio agni paschalis.**

**V.** Adjutórium nostrum in nómíne Dómini. **R.** Qui fecit cœlum et terram.

**V.** Dóminus vobíscum. **R.** Et cum spíitu tuo.

Orémus.

D eus, qui per fámulum tuum Móysen, in liberatióne pópuli tui de Ægypto, agnum occídi jussisti in similitúdinem Dómini nostri Jesu Christi, et utrósque postes domórum de sanguine ejúsdem agni perángi præcepisti: tu bene ✠ dícere, et sancti ✠ ficáre dignéris hanc creatúram carnis, quam nos fámuli tui ad laudem tuam súmere desiderámus, per resurrectiōnem ejúsdem Dómini nostri Jesu Christi: Qui tecum vivit et regnat in sǽcula sǽculórum. **R.** Amen.

*Et mox aspergat aqua benedicta.*

**Benedictio ovorum.**

**V.** Adjutórium nostrum in nómíne Dómini. **R.** Qui fecit cœlum et terram.

**V.** Dóminus vobíscum. **R.** Et cum spíitu tuo.

Orémus.

S ubvéniat, quæsumus Dómine, tuae bene ✠ dictiōnis grátia, huic ovórum creatúræ: ut cibus salúbris fiat fidélibus tuis, in tuárum gratiárum actiōne suméntibus, ob resurrectiōnem Dómini nostri Jesu Christi: Qui tecum vivit et regnat in sǽcula sǽculórum. **R.** Amen.

*Et aspergat aqua benedicta.*

**Benedictio panis.**

**V.** Adjutórium nostrum in nómíne Dómini. **R.** Qui fecit cœlum et terram.

**V.** Dóminus vobíscum. **R.** Et cum spíitu tuo.

Orémus.

D ómine Jesu Christe, panis Ange-lórum, panis vivus aëternæ vitæ, bene ✠ dícere dignáre panem istum, sicut benedixisti quinque panes in deserto: ut omnes ex eo gustántes inde cónoris et ánimæ percípiant sanitátem. Qui vivis et regnas in sǽcula sǽculórum. **R.** Amen.

*Et aspergat aqua benedicta.*

**Benedictio ad quodcumque comestibile.**

¶. Adjutorium nostrum in nōmine Dómini. R. Qui fecit cœlum et terram.

¶. Dóminus vobíscum. R. Et cum spíritu tuo.

Orémus.

Bénedic ✠ Dómine creatúram istam N., ut sit remédium salutare géneri humáno: et præsta per invocatiónem sancti Nóminis tui, ut quicúmque ex ea súmpserint, cörperis sanitatem, et ánimæ tutélam percipient. Per Christum Dóminum nostrum.

R. Amen.

Aspergat aqua benedicta.



**Benedictio novorum fructuum.**

¶. Adjutorium nostrum in nōmine Dómini. R. Qui fecit cœlum et terram.

¶. Dóminus vobíscum. R. Et cum spíritu tuo.

Orémus.

Bénedic ✠ Dómine hos novos fructus N., et præsta: ut qui ex eis in tuo sancto nōmine vescéntur, cör-

poris et ánimæ salutē potiántur. Per Christum Dóminum nostrum.

R. Amen.

Et aspergantur aqua benedicta.

**Benedictio domus novæ.**

¶. Adjutorium nostrum in nōmine Dómini. R. Qui fecit cœlum et terram.

¶. Dóminus vobíscum. R. Et cum spíritu tuo.

Orémus.

Te Deum Patrem omnipoténtem suppliciter exorámus pro hac domo, et habitatóribus ejus, ac rebus: ut eam bene ✠ dicere, et sancti ✠ ficáre, ac bonis ómnibus ampliáre dignérás: tríbue eis Dómine de rore cœli abundántiam, et de pinguédine terræ vitæ substántiam, et desidéria voti eórum ad efféctum tuæ miserationis perdúcas. Ad intróitum ergo nostrum bene ✠ dicere, et sancti ✠ ficáre dignérás hanc domum, sicut benedicere dignátus es domum Abraham, Isaac, et Jacob: et intra parietes domus istius, Angeli tuæ lucis inhábitent; eámque, et ejus ha-

bitátóres custódiant. Per Christum  
Dóminum nostrum. R. Amen.

*Deinde aspergat aqua benedicta.*

**Benedictio primarii lapidis ædificii.**

V. Adjutorium nostrum in nōmine  
Dómini. R. Qui fecit cœlum et  
terrā.

V. Dóminus vobiscum. R. Et cum  
spíritu tuo.

Orémus.

Déus, a quo omne bonum sumit  
initium, et semper ad potiora  
progrédiens pércipit incremētum:  
concéde quæsumus, supplicántibus  
nobis; ut quod ad laudem nōminis  
tui inchoáre aggrédimur, aeterno tuæ  
patérnæ sapiéntiæ múnere perducá-  
tur ad térmínū. Per Christum Dó-  
minum nostrum. R. Amen.

**Benedictio domorum**

extra Pascha Resurrectionis.

*Sacerdos ingrediens domum dicat:*

Pax huic dómui, et omnibus habi-  
tántibus in ea.

*Deinde loca aspergendo, dicat*

*Ant.* Aspérge me, Dómine, hys-  
sópo et mundábor: lavábis me, et  
super nivem dealbábor.

*Psalmus.* Miseré mei, Deus, se-  
cundum magnam misericordiam tuam.

Glória Patri, etc.

*Et repetitur Ant.* Aspérge me, etc.

V. Dómine exaudi orationem meam.

R. Et clamor meus ad te véniat.

V. Dóminus vobiscum. R. Et cum

spíritu tuo.

Orémus.

Exaudi nos, Dómine sancte, Pater  
omnipotens, aetérne Deus: et mít-  
tere dignéris sanctum Angelum tu-  
um de cœlis, qui custodiāt, fóveat,  
prótegat, vísitet, atque défendat o-  
mnes habitantes in hoc habitáculo.  
Per Christum Dóminum nostrum.

R. Amen.

*Deinde aspergat aqua benedicta.*

**Benedictio loci.**

V. Adjutorium nostrum in nōmine  
Dñi. R. Qui fecit cœlum et terram.

V. Dómine exaudi orationem meam.

R. Et clamor meus ad te véniat.

V. Dóminus vobiscum. R. Et cum

spíritu tuo.

Orémus.

**B**énedic ✠ Dómine, Deus omnipotens, locum istum (*vel* domum istam): ut sit in eo (*vel* in ea) sánitas, cástitas, victória, virtus, humíltas, bónitas, et mansuetúdo, plenitúdo legis, et gratiárum áctio Deo Patri, et Filio, et Spiritui Sancto; et hæc benedictio máneat super hunc locum (*vel* super hanc domum), et super habitántes in eo (*vel* in ea) nunc et in ómnia sǽcula sǽculórum.

R. Amen.

Deinde aspergat aqua benedicta.

#### Benedictio thalami.

℣. Adjutórium nostrum in nómine Dñi. R. Qui fecit cælum et terram.

℣. Dóminus vobiscum. R. Et cum spíitu tuo.

Orémus.

**B**énedic ✠ Dómine, thálánum hunc: **U**t omnes habitántes in eo, in tua pace consistant, et in tua voluntáte permáneant, et senéscant, et multiplicentur in longitúdine diérum, et ad regna cœlorum pervéniant. Per Christum Dñm nostrum. R. Amen.

Postea aspergat thálánum aqua benedicta.

#### Benedictio horrei seu segetum demessarum.

℣. Adjutórium nostrum in nómine Dómini. R. Qui fecit cælum et terram.

℣. Dóminus vobiscum. R. Et cum spíitu tuo.

Orémus.

**D**ómine Deus omnipotens, qui de rore coeli abundántiam, et de pinguédine terræ vitæ substántiam homínibus conférre non désinis: piissimæ majestati tuæ pro collectis fructibus grátias ágimus, tuam cleméntiam exorántes; ut has ségetes, quas de beniginitate tua suscépimus, bene-✠ dicere, conservare, et ab omni noxa défendere dignérис: simùlque concéde; ut quorum in bonis replésti desidérium, de tua custódia gloriéntur, misericórdias tuas sine fine collaudent, et sic tránseant per bona temporália, ut non amítant aeterna. Per Christum Dñm nostrum. R. Amen.

Deinde aspergantur aqua benedicta.

#### Benedictio adulti ægrotantis.

Sacerdos cubiculum ægrotantis in grediens dicat:

℣. Pax huic dómui. R. Et ómnibus habitántibus in ea.

*Et continuo ad infirmum accedens  
subiungat:*

¶. Adjutórium nostrum ✕ in nōmine Dómini. R. Qui fecit cœlum et terram.

¶. Dómine exaudi orationem meam. R. Et clamor meus ad te véniat.

¶. Dóminus vobiscum. R. Et cum spiritu tuo.

Orémus.

Intróeat, Dómine Iesu Christe, dominum hanc ad nostræ humilitatis ingréssum pax et misericórdia tua: effúgiat ex hoc loco omnis nequitia dæmonum, adsint Angeli pacis, domumque hanc déserat omnis maligna discórdia. Magnifica, Dómine, super nos nomen sanctum tuum: et bénedic nostræ conversatióni: Qui sanctus et pius es, et pérmannes cum Patre et Spíritu Sancto in sǽculórum. R. Amen.

Orémus.

Réspice Dómine fámlum tuum (*vel* fámlum tuam) in infirmitate córporis laborántem, et ániam réfove quám creásti: ut castigatióribus emendátus (*vel* emendáta), continuo se séntiat tua miseratióne salvátum (*vel*

salvátam). Per Christum Dóminum nostrum. R. Amen.

Orémus.

Misericors Dómine, fidélum consolátor, quésumus imménsam pietaté tuam, ut ad intróitum humiliatís nostræ hunc fámlum tuum (*vel* hanc fámlum tuam) super lectum doloris sui jacéntem, visitare dignérис, sicut socrum Simónis visitásti: propítius adésto ei Dómine, quátenus pristina sanitáte recépta, gratiarum tibi, in ecclésia tua, référat actiones: Qui vivis et regnas Deus in sǽcula sǽculórum.

R. Amen.

Deinde, exténdens dexteram versus caput ægroti, dicat:

Dóminus Jesus Christus apud te ✕ sit, ut te deféndat: intra te ✕ sit, ut te consérvet: ante te ✕ sit, ut te ducat: post te ✕ sit, ut te custódiat: super te ✕ sit, ut te benedicat: Qui cum Patre et Spíritu Sancto vivit et regnat in sǽcula sǽculórum.

R. Amen.

Benedictio Dei omnipoténtis, Patris, et Filii ✕, et Spíritus Sancti,

descédat super te, et máneat semper. R. Amen.

*Denum aspergat infirmum aqua benedicta.*

**Benedictio puerorum ægrotantium.**

*Pueri infirmi, qui ad hunc usum rationis pervenerunt, ut ipsis præberi possit Sacramentum Extremæ Unctionis, iis adjuventur exhortationibus et precibus, quæ describuntur in Rituall Romano, ubi de visitatione et cura Infirorum, prout feret temporis opportunitas, et eorundem Ægrotantium status.*

*Verum pro ceteris junioribus Pueris infirmis adhiberi poterunt sequentes preces. Sacerdos igitur Infirmi cubiculum ingressus, primum dicat:*

*¶. Pax huic domui. R. Et omnibus habitantibus in ea.*

*Mox Infirnum et lectum ejus et cubiculum aspergat nihil dicens.*

*Deinde dicere poterit supra Infirnum Psalm. Laudáte pueri, Dóminum, etc. pag. 208, cum Glória Patri in fine.*

*Postea dicat: Kýrie éléison. Christe éléison. Kýrie éléison.*

*Pater noster. secreto.*

*¶. Et ne nos indúcas in tentatiō nem. R. Sed libera nos a malo.*

*¶. Deus noster miserétur. R. Cu stodiens párvulos Dóminus.*

*¶. Sínite párvulos venire ad me. R. Tálium est enim regnum cœlorum.*

*¶. Dómine, exaudi oratiōnem meam. R. Et clamor meus ad te véniat.*

*¶. Dóminus vobiscum. R. Et cum spiritu tuo.*

Orémus.

*D*eus, cui cunctaadolescunt, et per quem adulta firmántur: exténde déxteram tuam super hunc fámulum tuum (*vel* hanc fámulam tuam), in ténera ætátē languéntem: quátenus vigóre sanitatis recépto, ad annórum pervéniat plenitúdinem, et tibi fidéle, gratúmque obséquium indesinénter præstet ómnibus diébus vitæ suæ. Per Dóminum nostrum etc.

R. Amen.

Orémus.

*P*ater misericordiarum, et Deus totius consolatiōnis, qui creaturæ tuae multipli ci pietatē cónsulens, non solum ánimæ sed ipsi cörpori curatiōnis grátiam benígnus infundiſ: hunc párvulum infirmum (*vel* hanc párvulam infirmam) a lecto ægritū-

dinis erigere, et Ecclésiae tuæ sanctæ, suisque paréntibus incolumem restituere dignéris; ut cunctis prolongatæ sibi vitæ diébus, grátia et sapiéntia coram te et hominib⁹ proficiens, in justitia et sanctitáte tibi sérviat, et débitas misericórdiæ tuæ réferat gratiárum actiones. Per Christum Dóminum nostrum. R. Amen.

Orémus.

Deus, qui miro ordine Angelórum ministéria hominumque dispénsas: concéde propiti⁹; ut, a quibus tibi ministrantibus in celo semper assistitur, ab his in terra vita hujus pueri (vel puellæ) muniátur. Per Christum Dñm nostrum. R. Amen.

*Completa Oratione ultima, Sacerdos imponat dexteram manum super caput Infirmi, et dicat:*

Super ægros manus impónent, et bene habébunt, Jesus, Mariæ Filius, mundi salus et Dóminus, méritis et intercessióne sanctórum Apostolórum suórum Petri et Pauli et ómnium Sanctorum, sit tibi clemens et propiti⁹. R. Amen.

*Quod sequitur Evangelium, pro temporis opportunitate et pro ægrotantis*

*Pueri parentum desiderio, Sacerdotis arbitrio dici poterit:*

V. Dóminus vobiscum. R. Et cum spíitu tuo.

V. Initium ✠ sancti Evangélii secúndum Joánnem. R. Glória tibi Dómine.

Dum Sacerdos dicit Initium etc., facit signum crucis de more super se in fronte, ore et pectore; similiter super Puerum infirmum, si non potest se signare.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hominum: et lux in tenebris lucet, et tenebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hominem venientem in hunc mundum. In mundo erat, et mundus per ipsum factus est, et mundus eum

non cognovit. In propria venit, et sui eum non receperunt. Quotquot autem receperunt eum, dedit eis protestatam filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. (*Hic genuflectitur*). Et Verbum caro factum est, et habitavit in nobis: et vidi glorię ejus, gloriam quasi Unigeniti a Patre, plenum gratiae et veritatis. R. Deo gratias.

*Postea benedicens Puerum infirmum, subiungat dicens:*

Benedictio Dei omnipotentis, Patris, et Filii **†**, et Spiritus Sancti, descendat super te, et maneat semper.

R. Amen.

*Deinde aspergat eum (vel eos) aqua benedicta.*

*Si fuerint plures Infirmi in eodem cubiculo vel loco, Orationes et Benedictio predictae dicuntur super eos numero plurali.*

**Benedictio pueri**  
ad obtinendam super ipsum misericordiam  
Dei.

**V.** Adjutorium nostrum in nomine  
Dñi. R. Qui fecit cœlum et terram.

**V.** Dóminus vobiscum. R. Et cum spiritu tuo.

Orémus.

Dómine Jesu Christe, Fili Dei vivi, qui dixisti: Sinite párvulos venire ad me, tálum est enim regnum cœlorum; super hunc puerum tuum virtutem bene **†** dictiōnis tuae infunde, ac ad Ecclésiæ et paréntum illius fidem ac devotiōnem respice; ut virtute ac sapiētia apud Déum et hómines proficiens, ad optatam perveniat senectutem, et salutem consequatur æternam. Qui vivis et regnas in sæcula sæculorum. R. Amen.

*Deinde dicitur Ps. 112. Laudate, pueri, Dóminum, etc., pag. 208, cum Gloriam Patri etc. in fine.*

*Postea: Kýrie eléison. Christe eléison. Kýrie eléison.*

Pater noster. secreto.

**V.** Et ne nos inducas in tentatiōnem. R. Sed libera nos a malo.

Benedictio Dei omnipotentis Patris, et Fí **†** lii, et Spiritus **†** Sancti, descendat super te, et maneat semper. R. Amen.